



KEMENTERIAN PENDIDIKAN TINGGI
JABATAN PENDIDIKAN POLITEKNIK DAN KOLEJ KOMUNITI

SIARAN MEDIA

206 ATLET POLYCC BAKAL BERENTAP DI KEJOHANAN SIPMA 2023

BEHRANG, 9 September - Seramai 206 atlet POLYCC yang terdiri daripada Kontinjen Majlis Sukan Politeknik Malaysia (MSP) dan Majlis Sukan Kolej Komuniti Malaysia (MASKOM) bakal berentap di Kejohanan Sukan Institusi Pendidikan Malaysia (SIPMA) 2023.

Majlis 'flag off' sempena penganjuran kejohanan ini telah disempurnakan oleh YBr. Tuan Haji Azirin bin Abdul Aziz, Pengarah Bahagian Ambilan dan Pembangunan Pelajar, Jabatan Pendidikan Politeknik dan Kolej Komuniti (JPPKK) mewakili YBr. Dr. Haji Mohd Zahari Ismail, Ketua Pengarah Pendidikan Politeknik dan Kolej Komuniti di Politeknik Sultan Azlan Shah (PSAS), disini, pada hari ini.

YBr. Tuan Haji Azirin bin Abdul Aziz ketika menyampaikan ucapan, berkata kejohanan SIPMA menjadi landasan bagi atlet bertanding di peringkat yang lebih tinggi disamping mencungkil bakat atlet dan menyediakan peluang kepada atlet bertanding dalam pertandingan yang lebih kompetitif.

"Kejohanan ini dapat membudayakan sukan dalam kalangan pelajar politeknik dan kolej komuniti sebagai usaha ke arah meningkatkan kualiti kesihatan terutamanya dalam kalangan generasi muda.

"Pelaksanaan kejohanan sukan ini adalah bertepatan dengan fungsi dan peranan yang dimainkan oleh politeknik dan kolej komuniti. Kedua-dua institusi ini terlibat secara

langsung dalam menyediakan atlet sukan yang dapat mewakili institusi seterusnya dapat mewakili negara,” katanya.

Beliau yang juga Pengerusi MSP turut menambah, penganjuran kejohanan seumpama ini juga dilihat menyokong hasrat Kementerian Pendidikan Tinggi (KPT) melalui Dasar Pembangunan Sukan Institusi Pengajian Tinggi (DSIPT) dimana sekurang-kurangnya 30 peratus atlet negara yang disasarkan terdiri daripada atlet IPT.

SIPMA 2023 yang memasuki edisi ke-9 tahun ini akan membuka tirainya pada 10 hingga 17 September 2023 di Universiti Pendidikan Sultan Idris (UPSI), Tanjong Malim, Perak dengan melibatkan lapan majlis sukan di bawah Kementerian Pendidikan (KPM) dan KPT. Sebanyak empat pingat disasarkan oleh setiap kontinjen daripada MSP dan MASKOM bagi kejohanan kali ini.

Sebanyak lapan acara utama bakal dipertandingkan pada SIPMA kali ini iaitu bola sepak, bola jaring, hoki, bola tampar, badminton, boling tenpin, olahraga dan renang.

Turut serta pada majlis ‘flag off’ ini ialah Pengarah Kolej Komuniti Kuala Langat (KKKL) Merangkap Pengerusi MASKOM, YBr. Encik Suhairi bin Ismail, Ahli Majlis Tertinggi MSP, Ahli Majlis Tertinggi MASKOM, Pengarah-pengarah Bahagian JPPKK, Timbalan-timbalan Pengarah PSAS serta Pengarah-pengarah politeknik dan kolej komuniti.

-TAMAT-

**JABATAN PENDIDIKAN POLITEKNIK DAN KOLEJ KOMUNITI
KEMENTERIAN PENDIDIKAN TINGGI**

*Dikeluarkan Oleh: Unit Komunikasi dan Hubungan Korporat,
Jabatan Pendidikan Politeknik dan Kolej Komuniti*

Tel: 03- 8888 2515